

## פרק קיח

(א) הוֹדוּ לַיהוָה כִּי טוֹב כִּי לְעוֹלָם חֲסִדּוֹ: (ב) יֹאמֶר נָא יִשְׂרָאֵל  
כִּי לְעוֹלָם חֲסִדּוֹ: (ג) יֹאמְרוּ נָא בַּיַּת אֱהֲרֹן כִּי לְעוֹלָם חֲסִדּוֹ: (ד)  
יֹאמְרוּ נָא יִרְאִי יְהוָה כִּי לְעוֹלָם חֲסִדּוֹ: (ה) מִן הַמִּצַּר קִרְאתִי יְהוָה  
עָנְנִי בַמֶּרְחֵב יְהוָה: (ו) יְהוָה לִי לֹא אֵירָא מִה יַעֲשֶׂה לִי אָדָם: (ז)  
יְהוָה לִי בְעֲזָרִי וְאֲנִי אֶרְאֶה בְשִׁנְאָי: (ח) טוֹב לַחֲסוֹת בַּיהוָה  
מִבִּטָּח בְּאָדָם: (ט) טוֹב לַחֲסוֹת בַּיהוָה מִבִּטָּח בַּנְּדִיבִים: (י) כָּל  
גּוֹיִם סָבְבוּנִי בְשֵׁם יְהוָה כִּי אֲמִילִם: (יא) סָבּוּנִי גַם סָבּוּנִי  
בְשֵׁם יְהוָה כִּי אֲמִילִם: (יב) סָבּוּנִי כְדַבּוּרִים דַּעְכוּ כְּאֵשׁ קוֹצִים  
בְשֵׁם יְהוָה כִּי אֲמִילִם: (יג) דַּחַה דַּחִיתָנִי לְנֶפֶל וַיהוָה עֲזָרָנִי: (יד)  
עֲזִי וְזַמְרַת יְהוָה וַיְהִי לִי לִישׁוּעָה: (טו) קוֹל רִנָּה וַיִּשׁוּעָה בְּאֶהְלִי  
צְדִיקִים יְמִין יְהוָה עֲשֶׂה חֵיל: (טז) יְמִין יְהוָה רֹמְמָה יְמִין יְהוָה  
עֲשֶׂה חֵיל: (יז) לֹא אֲמוֹת כִּי אַחִיָּה וְאֶסְפֵּר מַעֲשֵׂי יְהוָה: (יח) יִסֹּר  
יִסְרָנִי יְהוָה וְלִמּוֹת לֹא נִתְּנָנִי: (יט) פִּתְחוּ לִי שַׁעֲרֵי צְדָק אֲבֹא בָם  
אוֹדָה יְהוָה: (כ) זֶה הַשַּׁעַר לַיהוָה צְדִיקִים יָבֹאוּ בּוֹ: (כא) אוֹדֶךָ כִּי  
עָנִיתָנִי וַתְּהִי לִי לִישׁוּעָה: (כב) אָבֶן מֵאֶסוּ הַבּוֹנִים הִיתָה לְרֹאשׁ  
פִּנָּה: (כג) מֵאֵת יְהוָה הִיתָה זֹאת הִיא נִפְלְאת בְּעֵינֵינוּ: (כד) זֶה  
הַיּוֹם עֲשֶׂה יְהוָה נְגִילָה וְנִשְׂמְחָה בּוֹ: (כה) אָנָּה יְהוָה הוֹשִׁיעָה  
נָא אָנָּה יְהוָה הַצְּלִיחָה נָא: (כו) בְּרוּךְ הַבָּא בְשֵׁם יְהוָה בְּרִכְנוּכֶם  
מִבֵּית יְהוָה: (כז) אֵל יְהוָה וַיֵּאָר לָנוּ אֶסְרוּ חַג בְּעֵבְתֵיכֶם עַד  
קַרְנוֹת הַמִּזְבֵּחַ: (כח) אֵלֵי אֲתָה וְאוֹדֶךָ אֱלֹהֵי אֲרוֹמְמֶךָ: (כט)  
הוֹדוּ לַיהוָה כִּי טוֹב כִּי לְעוֹלָם חֲסִדּוֹ: